



Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 7 ноябрь, № 238 (8018)

Якшанба

Сайтимизга ўтиш учун QR-кодни телефонингиз орқали сканер қилинг.



ШАВКАТ МИРЗИЁЕВ ЎЗБЕКИСТОН РЕСПУБЛИКАСИ ПРЕЗИДЕНТИ ЛАВОЗИМИГА КИРИШДИ



Кеча Ўзбекистон Республикаси Олий Мажлиси Қонунчилик палатаси ва Сенатининг қўшма мажлисида Ўзбекистон Республикаси Президентининг ўз лавозимига киришишига бағишланган тантанали маросим бўлиб ўтди.

Олий Мажлис Сенатининг янги-дан барпо этилган биносига ўтказилган ушбу тантанали тадбирда Сенат аъзолари, Қонунчилик палатаси депутатлари, давлат ва жамоат ташкилотлари раҳбарлари, дипломатик корпус вакиллари, Ватанимиз равнақиға муносиб ҳисса қўшиб келаётган турли соҳа фаоллари, маҳаллий ҳамда хорижий оммавий ахборот воситалари ходимлари иштирок этди. Охириги 5 йил. Ушбу қисқа вақт давомида Ўзбекистонда мисли кўрилмаган ислоҳотлар, улкан бунёдкорликлар амалга оширилди. Барча соҳадаги туб янгиланишлар асосини эса инсон кадри ва халқ манфаатлари ташкил этгани, айниқса, эътиборга молик. Бу фикрларга бежиз тўхталмадик. Сабаби Ўзбекистон Республикасининг сайланган Президенти Шавкат Мирзиёевнинг инаугурация маросими ҳам айнан Олий Мажлис Сенатининг янги қурилган муҳташам биносига бўлиб ўтди. Бу ҳам мамлакатимизда кечаётган ўзгаришлар изчиллиги ва кенг қамровлигидан, ислохотлар бардавомлигидан далолат, десак, айна ҳақиқат.

(Давоми 4-бетда).

Ўзбекистон Республикаси Президенти Матбуот хизмати сурати.

Янги Ўзбекистон тараққиёт стратегияси асосида демократик ислоҳотлар йўлини қатъий давом эттирамиз

Янги сайланган Ўзбекистон Республикаси Президенти Шавкат Мирзиёевнинг лавозимига киришиш тантанали маросимига бағишланган Олий Мажлис палаталари қўшма мажлисидаги нутқи

Ассалому алайкум, муҳтарам ватандошлар! Хонимлар ва жаноблар! Хурматли Сенат аъзолари! Хурматли Қонунчилик палатаси депутатлари!

Хорижий дипломатик корпус вакиллари! Ҳурматли Сенат аъзолари! Хурматли Қонунчилик палатаси депутатлари!

Авалло, менга улкан ишонч билдириб, Ўзбекистон Республикаси Президенти этиб қайта сайлаган барча юрtdошларимга чин қалбимдан миннатдорлик ихзор этиб, меҳнаткаш, олижаноб ва бағрикенг халқимизга фарзандлик меҳри ва садоқати билан таъзим қиламан.

Сиз, азизларга, сизлар орқали бутун эл-юртимизга тинчлик ва саломатлик, оилавий бахт-саодат ва фаровонлик тилайман.

Жонажон Ватанимиз тиссоли ва мустақиллигимиз рамзи бўлган давлат байроғимиз, мадҳиямиз ва гербимизга, менга топширилган Президентлик Олий нишони ва байроғига юксак ҳурмат бажо келтираман.

Ўзбекистон Республикаси Президенти лавозимига сайланишимни Янги Ўзбекистонни барпо этиш йўлида олиб бо-

раётган сиёсатимизнинг юксак эътирофи сифатида қабул қиламан.

Муҳтарам тантанали мажлис иштирокчилари!

Бўлиб ўтган сайловларда кўп миллатли халқимиз фаол иштирок этиб, ўзининг эркин хоҳиш-иродасини, юксак ҳуқуқий онги ва сиёсий маданиятини аққол намоён этди.

Халқимиз билан биргаликда танлаган ва амалга ошираётган ривожланиш йўлимиз нақадар тўғрилигини сайлов натижалари яна бир бор тасдиқлади. Бу эса барчамизга янги куч, баланд руҳ ва ишонч бағишлайди.

Сайловнинг эркин ва демократик, очик ва ошқора, соғлом рақобат ва сиёсий кураш муҳитида ўтганини халққор ва хорижий кузатувчилар ҳам эътироф этдилар.

Президент сайловида Европада хавфсизлик ва ҳамкорлик ташкилоти ҳамда Мустақил Давлатлар Ҳамдўстлигининг узок муддатли миссиялари бутун сайлов жараёнларини бевосита кузатиб борди. Айниқса, Европада хавфсизлик ва ҳамкорлик ташкилотининг Демократик институтлар ва инсон ҳуқуқлари бўйича бюроси ҳамда Парламент Ассам-

блеяси қаторида биринчи марта Европа парламентидан ҳам кузатувчилар иштирок этди.

Умуман, сайловда 18 та халққор ташкилот ва 45 та хорижий давлатнинг мингга яқин вакиллари халққор кузатувчи сифатида қатнашди. Шу билан бирга, 1 минг 700 га яқин маҳаллий ва хорижий журналистлар сайлов жараёнларини бевосита ёритиб борди. Уларнинг барчаси, сайлов миллий қонунчилигимиз ва умумэътироф этилган халққор тамойиллар асосида, юқори савияда ўтганини алоҳида қайд этдилар.

Азиз юрtdошлар!

Сайловда менга билдирилган ишонч — юксак шараф, муқаддас бурч эканини, айна вақтда бу ишонч зиммамга қандай улкан масъулият ва жавобгарлик юклашини ҳам чуқур хис этиб турибман.

Номзодимни илгари сурган ва сайлов кампаниясида қўллаб-қувватлаган Тадбиркорлар ва Ишбилармонлар ҳаракати — Ўзбекистон Либерал-демократик партиясининг аъзолари ва фаолларига, барча тарафдорларим ҳамда ишончли вакиллари-га ташаккур айтаман.

Сайловда фаол иштирок этган Ўзбекистон Халқ демократик партиясидан номзод — Мақсуда Ворисовага, "Миллий тикланиш" демократик партиясидан — Алишер Қодировга, Ўзбекистон Экологик партиясидан — Нарзулло Обломуродовга, "Адолат" социал-демократик партиясидан — Баҳром Абдуҳалимовга алоҳида миннатдорлик билдираман. Уларга келгуси ишларида омадлар тилайман.

Биз сайлов жараёнида ўзаро рақобат қилган бўлсак, энди барча орзу-интилиш ва ҳаракатларимизни бирлаштириб, сиёсий партиялар билан фаол ҳамкорлик қиламиз. Уларнинг сайловолди дастурларидаги муҳим амалий ғоя ва тақлифлар келгуси фаолиятимизда эътиборимиздан четда қолмайди.

Бутун куч ва салоҳиятимизни ягона улғу мақсадимиз — Янги Ўзбекистонни барпо этишга қаратамиз.

Бутун шу юксак минбарда туриб, барча ҳудудларимиз — Қорақалпоғистон Республикаси, вилоятлар ва Тошкент шаҳри аҳолисиغا; юртимизда тинчлик ва дўстлик муҳити-

ни мустаҳкамлаш йўлида сидқидилдан хизмат қилаётган маҳалла фаоллари, фуқаролик жамияти институтлари вакиллари ва дин арбобларига;

эзгу дуолари, ҳаётий маслаҳатлари билан бизнинг ишимизга унум ва барака бераётган мўътабар фахрийларимизга;

жамиятимиз ҳаётида бекиёс ўринга эга бўлган муҳтарам аёлларимизга;

иқтисодиёт, саноат, аграр ва ижтимоий соҳаларда фидокорона меҳнат қилаётган ишчи-хизматчиларга, тадбиркор ва фермерларга, қурувчи-бунёдкорларга;

бутун борлигини илм-фан ва маънавиятни юксалтириш, навқирон авлод тарбиясига бағишлаган устоз ва мураббийларга, илмий ва ижодкор зиёлиларга, маданият ва санъат аҳлига;

эл-юртимиз соғлигини асрашдек олижаноб мақсад йўлида ўзини аямасдан, мардона меҳнат қилаётган тиббий ходимларига;

(Давоми 2, 3-бетларда).

САМИМИЙ ҚУТЛОВЛАР

Мамлакатимизда 2021 йил 24 октябрь куни бўлиб ўтган сайловда Шавкат Мирзиёев Ўзбекистон Республикаси Президенти лавозимига қайта сайлангани муносабати билан унинг номига хорижий давлатлар ва ҳукуматлар, нуфузли халққор ташкилотлар раҳбарлари, таниқли давлат ва жамоат арбобларидан самимий тилаклар билдирилган қутловлар келмоқда.



Ўзбекистон Республикаси Президенти Шавкат Мирзиёев Жаноби Олийларига

Жаноби Олийлари! Сизни Ўзбекистон Республикаси Президенти лавозимига иккинчи муддатга қайта сайланганингиз билан чин дилдан қутлашга ижозат бергайсиз.

Сиз билан, шу жумладан, БМТнинг мамлакатингиздаги жамоаси ҳамда Марказий Осиё учун превентив дипломатия минтақавий маркази орқали бизларни қизиқтирган масалаларда яқиндан ҳамкорлик қилишимиздан умидворман.

БМТ глобал хатарларни биргаликда бартараф этишда, шу жумладан, халққор тинчлик ва хавфсизлик, инсон ҳуқуқлари ва барқарор тараққиёт масалаларида Ўзбекистоннинг кўмағига ва қатъий интилишига таянишда давом этади.

Жаноби Олийлари, Сизга бўлган юксак ҳурмат-эътиромимни қабул қилгайсиз.

Антониу Гутерриш, Бирлашган Миллатлар Ташкилоти Бош котиби



Ўзбекистон Республикаси Президенти Шавкат Мирзиёев Жаноби Олийларига

Жаноби Олийлари! Ўзбекистон Республикаси халқининг фаол қўллаб-қувватлаши туфайли Президент лавозимига муваффақиятли қайта сайланганингиз билан Сизни самимий қутлашга ижозат бергайсиз. Сизнинг моҳирона раҳбарлигингизда Ўзбекистон ўз тараққиёт йўлини давом эттиришига ишонаман.

Президент сифатида фаолиятингизнинг иккинчи муддати давомида Сиз билан яқин ҳамкорлик қилиш орқали мамлакатларимиз ўртасидаги алоҳида стратегик шериклик муносабатларини янада мустаҳкамлашимизга умид қиламан.

Сиз ва рафиқангиз билан жорий йил декабрь ойида Корейда учрашимизни орзиқиб кутмоқдаман.

Сизга мустаҳкам соғлик, Ўзбекистон Республикасига эса абдий равнақ тилайман.

Мун Чжэ Ин, Корея Республикаси Президенти



Ўзбекистон Республикаси Президенти Шавкат Мирзиёев Жаноби Олийларига

Жаноби Олийлари! Япония ҳукумати ва халқи номидан Сизни Ўзбекистон Республикаси Президенти лавозимига қайта сайланганингиз билан чин қалбидан муборакбод этаман.

Қонун устуворлигига асосланган эркин ва очик халққор маконни барпо этиш доирасида Япония биз учун муҳим стратегик ҳамкор бўлган Ўзбекистон билан шерикликни ривожлантиришга катта эътибор қаратмоқда.

Япония Ўзбекистоннинг мамлакатини ривожлантириш борасидаги саъй-ҳаракатларини ва Сиз, Жаноби Олийларининг раҳбарлигида олиб борилаётган ислоҳотларни изчил қўллаб-қувватлаб келмоқда.

2019 йил декабрь ойида Японияга амалга

оширилган расмий ташрифингиз давомида эришилган барча келишувлар ва қўшма лойиҳаларни бундан бундан ҳам биргаликда амалга оширишимизга умид билдираман.

Келгуси йилда дипломатик муносабатларимиз ўрнатилганининг 30 йиллигини кенг нишонлаймиз. Умид қиламанки, Япония ва Ўзбекистон ўртасидаги ўзаро манфаатли ҳамкорлик барча йўналишларда янада ривожланади.

Ушбу имкониятдан фойдаланиб, Сизга мустаҳкам соғлик ва муваффақиятлар, Ўзбекистон халқига эса бардавом равнақ тилайман.

Фуmio Кисида, Япония Бош вазири

